

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Tvmvlvs Hermetis Apertvs**

**Gassmann, Franz**

**[S.l.], 1675**

Capvt VI. Particularia ventilat

[urn:nbn:de:bsz:31-99903](https://nbn-resolving.org/urn:nbn:de:bsz:31-99903)

toties practica re queo, quoties exoptulas. Quod si autem fidem adhibere differs, donec centenarium plumbi in aurum, te inspiciente, verto, recumbe intereà super plumatili, ne stando ad Calendas Græcas, nimium incommoderis. Per me licet, credas sive non, propterea Cœlum non corruet. Sapientissimus rerum Parens à mundo condito, hæc sua charismata, sub humili myrice abscondidit, ne fastigiosa Cedri cacumina, si iis potirentur, nubes penitus transcendant & turrim Babylonicam æmulentur. Scripsi, quæ scio, vera, non in gratiam Potentum sed miserorum.



## CAP. VI.

*Particularia ventilat.*

**N**il communius ulceroso huic seculo quam fallere, in tam prodigiosâ ubertate hominum perversissimorum. Qui enim vix promptè dicit ignem struere, statim molitur aliis persuadere, se possessorem hujus vel illius particularis ad aliquot millia; sicut ipse multoties expertus sum, nunquam autem meâ vitâ, quam certè penes focum maternum & super pulvinari non transegi, inter tot Particularistas, ne unicum vidi qui canem



nem aut felem cum isto suo auro factitio, susten-  
tare potuisset; Impossibile namque est dari ullum  
particulare in eo significatu, in quo nostri Pro-  
cessuum Mercatores hoc vocabulum accipiunt,  
ita ut vel Sulphur  $\zeta$ ii ejusque tinctura e vitro  
extracta, vel aliæ substantiæ Sulphuræ, e  $\zeta$ re,  
 $\zeta$ te & aliis mineralibus petita, per certos fluo-  
res fixativos & singulares ingressus, in lunam in-  
trudantur eamque tingant. Ratio est, quod si-  
miles Sulphuræ Substantiæ mercurio corporali,  
nullo pacto, aduniri queunt intimè & radicaliter,  
ita ut eas deinde in igne fusionis defendat:  
quia iste  $\zeta$ ius Lunæ, absque hoc per suum Sul-  
phur & coctionis gradum coagulatus est, ita ut  
alio & quidem tali inepto coagulante non indi-  
geat, & licet volatilis factus esset, tamen Sul-  
phura cum  $\zeta$ is, absque præviâ putrefactione ra-  
dicaliter unire, est opus solius Naturæ; In & per  
putrefactionem artificialem quidem concedo,  
sed tunc etiam requiritur, ut istæ Sulphuræ  
substantiæ simul sint mercuriales, aliàs in æter-  
num cum mercurialibus non unientur nec pu-  
tredinem inibunt: faceffit multum negotii ipsi  
Naturæ hoc conjugium, multò magis arti, cum  
huic tantùm datum sit creata ad gradum altio-  
rem evehere non verò ex primis causis constitue-  
re. Et licet per certas miserabiles lanienas, au-  
riforme quoddam corpus componatur, nunquam  
tamen omnia auri genuini examina sustinebit, sed  
vel in uno vel altero peribit. Ego certè semper  
nisi



rifi nostrorum Laborantium vanissima vota, quando dicunt: modò haberem particulare aliquod, quo me possem sustentare, libentissimè dimitterem istum famosum lapidem Philosoph. nil quæro, quàm certum aliquod particulare &c. Sed, audi charissime Simplificiane; unum granum auri, ex non auro constituendum & faciendum requirit eundem processum eisdemque labores, quales sibi vult centenarius integer: qui scit partem non ignorabit totum, quod ex partibus constituitur. Quod extractiones vel solutiones aureas, ex mineris nonnunquam auratis attinet, de iis non disputo, cum hîc nulla contingat metamorphosis sed pauperrima auri extractio. Laudabilior est fixatio minerarum volatilium per Salia ignea, licet multum temporis requirat: idem sentiendum est de reductionibus metallorum eorumque maturationibus; quia in his pars mercurialis non separatur à Sulphureâ, sed Sulphur in suo Mercurio ulterius excoquitur.

Particulare autem verum, in sensu sano, nil aliud est quàm Tinctura imperfecta, prout omnes tincturæ, post primam rotam, leviter tingunt & partem puriorem metalli tantùm aggrediuntur. Consulo itaque omnibus hujus artis investigatoribus, ne inhient istis particularibus falsis, sed alieno periculo & damno discant, imò cane pejus & angue fugiant harum ineptiarum araneos, sunt enim plærunque vel activi vel passivi impostores, quod etiam ex hoc liquet: Si in aliquot  
septi-



septimanis vel paucis mensibus levi opera aurum & argentum, peculiosâ quantitate, construere sciunt; cur petunt subsidia à Principibus & cur non tacent sicut Adepti, ob metum certissimi periculi; hoc nimirum est quod dixi: Vel non sustinet torturam ignis & lupi voracitatem ipsorum aurum vel sine lucro componitur ob sophistica principia. Verum namque semper manebit quod ex Arist. 4. met. allegat Arnold. cap. 3. tui rosarii. Species metallorum transmutari non possunt, nisi in suam primam materiam vertantur, quæ est Sulphur & argentum vivum, non separatim sed conjunctim sumtum.



EPILO.